

- Quem tu fugaras Haspaniae¹ lupum,
 70 In nostra rursus misit ovilia
 Cum Publici montis leone,
 Quem melior pepulit sacerdos.
 Abbas probatus longius exulat,
 Indigna passus cum monachis suis,
 75 Quo² usque nunc presens Maria
 Mater ut est fovet aede parva.

X.

- Haec effata, dei mater ad haec ait:
 'O qui res hominum noster homo regis,
 Horum res egomet nunc reseram³, quia
 Commisere mihi seque suasque res.
 5 O⁴ mons Leodii publicus, hic tibi
 Stat sacrata domus nomine martyris
 Laurentii. Satis haec pulchra situ loci,
 Heinrico satis haec praesule floruit,
 A quo pulsus erat Wolbodo de domo
 10 Predicta⁵, sapiens nemo quod improbat,
 Et Berengarius redditus in loco,
 Non errante meo iudicio probus.
 Quo postquam caruit presule civitas,
 Is qui pulsus erat, spe sibi reddita
 15 Ad regem cupidum tendit, et impetrat
 Pravum iudicium, dando pecuniam.
 Nam vis est hodie magna pecuniae:
 Claras scit dominis auriculas dare.
 Surdi sunt aliter, nil aliter vident.
 20 Petrus quamlibet⁶ est claviger etheris,
 Accedat modo, vel Paulus: 'Abi foras'!
 Dicetur, 'quis homo'? Si veniat Symon,
 Statim notus hic est, et baculum levat.
 Hic, de quo loquimur, cum manibus quia
 25 Non venit vacuis, non abiit foras.
 Comparatur ad hoc illi calumpnia
 De Berengario, quod maledixerit
 Regem, quod fuerit Gregorii sequax,
 Heinricoque⁷ per hoc carus episcopo,
 30 Statim precipitur pontifici novo
 Qui presens aderat; isque fidem dedit
 Iurans aecclesiam prodere venditam⁸.
 Ipsi pars fuerat pacta pecuniae,
 Propter quam modo sunt praedia vendita.

1) 'Hesbain', vgl. Ruperti Chron. S. Laurentii c. 47 'Lupo ille Hasbaniensis'. 2) L. 'Quos'. W. 3) 'rex eram' cod. 4) deest cod. 5) Im J. 1075. 6) 'quidlibet' cod. 7) 'Heinrico' cod. 8) Vgl. Ruperti Chron. S. Laurentii c. 45 (SS. VIII, 276).